



UDALAREN ETA LEIZARRA MUSIKA ESKOLAREN ARTEKO HITZARMENA

Aretxabaleta 2016ko Martxoaren 10 a.

PARTEHARTZAILEAK

ALDE BATETIK Unai Elkoro Oianguren jauna, Aretxabaletako Udaleko Alkate-Udalburua

BESTETIK Nuria Aguirre Unzueta anderea, adinez nagusia, NA 16.274.146 J, Ilargi Plaza 4ean bizi dena

PARTE HARTZEN DUTE Unai Elkoro Oianguren jauna, Aretxabaletako Udalaren izenean eta ordezkaritzan

Nuria Aguirre Unzueta anderea, Aretxabaletako Arkupe Kultur Etxean dagoen, Leizarra Musika Eskolaren izenean eta ordezkaritzan

Alde biek, hitzarmena sinatzeko legezko gaitasuna elkarri aitortuz

ADIERAZTEN DUTE

LEHENA: 1998ko abenduaren 16an hitzarmena sinatu zutela, alde bien eskubide eta betebeharrak arautuz.

BIGARRENA: 2015eko ekainaren 9an beste hitzarmen bat izenpetu zela helburu berdinekin.

HIRUGARRENA: Azken hitzarmenaren indarraldia urte batekoa izan arren, bai Aretxabaletako Udalak, baita Leizarra Musika Eskolak ere, hitzarmen berri bat sinatzeko interesa dute ondoren adieraziko diren klausulen arabera:

KLAUSULAK

LEHENA: Leizarra Musika Eskolak urtero urtea amaitzean, ahal bada azaroan, hurrengo urteko jarduera plana aurkeztuko du.

BIGARRENA: Aretxabaletako Udalak urteoro, bere aurrekontuetan Leizarra Musika Eskolaren irakaskuntza lana eta burutzen dituen ekintzak diruz laguntzeko partida berezia aurreikusiko du. Aurtengo dirulaguntza 48.000 eurokoa izango da, eta urtero eguneratuko da, aurreko urteko Euskal Autonomia erkidegoko KPlaren arabera.



Euskal Autonomia Erkidegoko Gizarte Ekimenezko Ikastetxeen hitzarmen kolektiboa sinatzearen ondorioz soldatak eguneratuko balira, hitzarmen honetan jasotzen den dirulaguntza berrikusiko da.

Ekontza bereziak, Udalak diruz laguntzeko, lankidetzat hitzarmen propioak sinatuko dira.

HIRUGARRENA: Leizarra Musika Eskolaren dirulaguntza hiru zatitan emango da: Lehena eta %50eko izango dena, apirilaren hasieran ordainduko da. Nolanahi ere, horretarako ezinbestekoa izango da urteko aurrekontua Udalak onartuta izatea.

LAUGARRENA: Aurrekontua onartu gabe balego, %50 hori, edonola ere apirilan ordainduko litzateke aurreko urteko zenbatekoan eta aurrekontua onartu bezain laster regularizatuko litzateke, eta Leizarra Musika Eskolak ez du horretarako eskaerarik egin beharko. Dirulaguntzaren hurrengo %25a, urteroko urriaren 25ean ordainduko da.

BOSGARRENA: Geratzen den gainontzeko %25a, urte amaieran ordainduko da, edo beranduenez ere hurrengo urteko otsailean. Horretarako aldeztu aurretik Leizarra Musika Eskolak, urteko memoria eta ondoren adieraziko diren agiriak aurkeztu beharko ditu:

- Txosten ekonomikoa
- Izandako diru-sarreraren eta gastuen aurrekontua.
- Gastuak justifikatuko dituzten jatorrizko fakturak

SEIGARRENA: Fase bakoitzari dagokion ordainketa egin aurretik, Leizarra Musika Eskolak Gipuzkoako Foru Ogasunaren eta Gizarte Segurantzaren Diruzaintzaren ziurtagiriak, zerga betebeharrak eta gizarte segurantzarekikoak egunean dituela adierazten dutenak aurkeztu beharko ditu.

ZAZPIGARRENA: Leizarra Musika Eskolari emandako finantziazioaren zenbatekoak ez du inoiz erakundearen gastu guztien herena gaindituko.

ZORTZIGARRENA: Azaroaren 14ko Dirulaguntzen 38/2003 Lege Orokorraren 31. artikuluan xedatutakoarekin bat etorriz, diruz lagunduko diren gastuak, diruz lagundutako jardueraren izaerarekin bat etorri eta ezinbestekoak direnak izango dira Diruz lagunduko diren gastuen kostua ez da merkatuko balorearen gainetik egongo.

BEDERATZIGARRENA: Leizarra Musika Eskolak, antolatuko dituen ekitaldiak direla eta argitaratzen dituen kartel, eskuorri eta antzekoetan, Udaletxeko armarrira agerian egon beharko da eta adieraziko da, ekitaldi hori Aretxabaletako Udalak diruz laguntzen duela.

HAMARGARRENA: Leizarra Musika Eskolari emandako urteko dirulaguntza bateragarria izango da beste erakunde edo elkarte batzuetatik jaso ahal izango dituen dirulaguntzekin



HAMAIKAGARRENA: Aretxabaletako Udalak bere gain hartuko ditu Leizarra Musika Eskolak eragindako gastuak, Arkupe Kultur Etxean. Gastu horiek, argindarrari, gasari, ura eta garbiketari, mantentzeari, telefonoari, ordenagailuen antivirusaren erosketa eta mantenuari eta igogailuei dagozkienak izango dira. Gastu horiek udalak finantziatutako herenaren kontura finantziatuko dira. Zerrendatutako gastuen zenbatekoak nabarmen gora egingo balu, heren horretara iristeko arriskurarte, klausula/hitzarmena berrikusiko litzake.

HAMABIGARRENA: Leizarra Musika Eskolak Arkupe Kultur Etxeko hirugarren eta laugarren solairuan irakatsiko du. Hirugarren eta laugarren solairuko gelak Leizarra Musika Eskolak soilik erabiltzekoak izango dira, dantzarako erabiliko dena kenduta, beste talde eta elkarte batzuekin partekatuko dena. Nolanahi ere, ordutegi eta egunekin arazoak sortuz gero, Leizarra Musika Eskolak izango du lehentasuna.

HAMAHIRUGARRENA: Leizarra Musika Eskolaren matrikulazio garaian, Aretxabaletan erroldatuta daudenek lehentasuna izango dute beste herri batzuetatik datozenen aurrean. Aretxabaletan erroldatutakoak matrikulatu eta oraindik ere plazak hutsik baleude, beste herri batzuetakoek matrikulatu ahal izango dute. Horretarako matrikula eskaria egin zen eguna errespetatuko da eta plazak bete arte iraungo du.

Leizarra Musika Eskolak ondorengo onarpen irizpideak aplikatuko dizkie ikasleei:

1. Aretxabaletan erroldatuta egotea (egiaztatu egin beharko da)
2. Aurretik ere Leizarra Musika Eskolako ikaslea izatea
3. Aurreko urtean lekurik gabe geratu izana.
4. Gainontzeko plazak zozketa bidez emango dira.

HAMALAU GARRENA: Aretxabaletako Udalak, Leizarra Musika Eskolak beste erakunde edo elkarteen aurrean egindako errebindikazio eta eskariekin bat egiteko konpromisoa hartzen du.

HAMABOS GARRENA: Dirulaguntza emateko ezarritako betebeharrak eta baldintzak urratuko balira, Leizarra Musika Eskolak jasotako dirulaguntza itzultzeko konpromisoa hartzen du, jakinarazpena egin eta gutxienez hilabeteko epean.

HAMASEI GARRENA: Hitzarmenak lau urteko indarraldia izango du eta luzaezina izango da. Hori horrela, Hitzarmenak bere indarraldia galdu baino hiru hilabete lehenago, Leizarra Musika eskolak beste hitzarmen bat idatzi eta sinatzea eskatuko du, urtea amaitu bezain laster indarrean sar dadin.



Aretxabaletako
Udala

HAMAZAZPIGARRENA: Hitzarmen honetan berariaz zehaztu ez diren kasuetarako, azaroaren 17ko Diru Laguntzei buruzko 38/2003 Lege Orokorra, eta berau garatzen duen uztailaren 21eko 887/2006 Errege Dekretua izango da kontuan subvencionada y resulten estrictamente necesarios. En ningún caso el coste de adquisición de los gastos subvencionables podrá ser superior al valor de mercado.

Eta horrela jasota gera dadin eta esandako guztiarekin adostasun seinale, alde biek hitzarmena sinatzen dute ale bikoitzez baina eragin bakar batekin izenburuan adierazitako leku eta egunean.

ARETXABALETAKO UDALA



Unai Elkortz Oianguren

LEIZARRA MUSIKA ESKOLA



Nuria Aguirre Unzueta